

آبونه شرأطی : هریر ایچون
سنه لکی (۴۰۰) آلتی ایلمی
(۲۲۵) ممالک اجنیه ایچون
سنه لکی (۴۰۰) آلتی آیلنی
(۲۵۰) غروشدور.

نسخه سی ۷۰۰ غروشدور .
سنه لکی ۵۲ عددور .

اداره خانه : باب عالی جاده سنده
رشید افندی خاندنه

اخطارات

آبونه بدلی پشیندر .

مسلكه موافق آثار مع المنونیه
قبول اولنور . درج ایدله بن
یازیر احاده اولغاز .

والله یهدی من یشاء الی صراط مستقیم

تذکره

۱۳۳۰

صاحب و مدیر
اشرف ادیب

باش محرر
محمد جاکف

آدونه سن تبدیلتده ایریجه
غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسنی محتوی
بولونمسی لازمدور

ممالک اجنیه ایچون آبونه
اولانلرک آدرس لرینک
فرانسزجه یازلمسی رجا اولنور .

پاره کوندردلیکی زمان نهیه
داثر اولدینی بیلدیرلسی
رجا اولنور

اتبعون اهدکم سبیل الرشاد

حضرت عیسیٰ هیچ بروقت طرفدارانک کنڈیسنه عطف ایستدکاری صفاتک هیچ برینی ادا ایتماشدر. هیچ بروقت حضرت عیسیٰ کنڈیسنه اسناد الوهیت ایتماشدر. مع مافیہ بوکوئی خریستیانلق بیله کچمش عصر لزدن کنڈیسنه انتقال ایدن بومیرادن سیلکینه مامشدر. هر نسل حضرت عیسانک تاریخندن بشری، انسانی هر شینی اعجابہ جالیتمش ونهایت حضرت (عیسی) نک شخصیتی برکتله خرافات ایچنده ضایع اولمشدر. حضرت عیساندن برعصر صوکره یازیلان اناجیل بیله مشارالیهک شخصیتی برسیس طبقه سیله احاطه ایتمشدر.

« عصری خریستیانلغک قائمی، نامندکی اثرک محوری حضرت عیسانک (ابن الله) اولدیغنی ادا ایلدیکی درمیان ایده رک بو ادعای حضرت عیسانک الوهیتنه دلیل اتخاذا ایدیور. حضرت عیسانک بویله برادعا درمیان ایتمش اولمانی بز قبول ایده میز. (مانیو آرنول) نامنده انکلز منقدی (اناجیل) ک برچوق خصوصانده صورت قطعیه ده شایان اعتماد اولمادیغنی اثبات ایدیور. فرض محال اولارق حضرت عیسانک (ابن الله) ادعاسنده اولدیغنی ده اثبات ایده بیلیرلمی ؟ حضرت عیسا به بو ادعای عطف ایدنلر شرقی درویش (الحلاج) ک « انا الحق » دیدیگنی و علمای اسلامیه نک مومی الیهی اعدامه محکوم ایستدکاری طومعادیلر می ؟

درین برتصوفه آیدینلانان بسیط و بیچاره بر قلب بو صورته بر یوزندن قالدیرلشدی. بایلرحالا (باب) ک قتل ایلمه یه زک خارقه انکلز بر صورتده سهاواته رفع ایلدیکی اینانیرلر. عجبا « ابو مفیث حلاج » « انا الحق » دیمکه، (باب) ایسه (باب السماء) اولدیغنی ادا ایتمکه الوهیتک بر جزئی اولدقلرنی می ادعایتمش اولدیلر ۱۹ یوقاریده دیدیکمز کی بز حضرت عیسانک بویله بر ادعاده بولونمادیغنه معتقدز.

خریستیانلر خرافات بولنده او قدر مسافه لر قطع ایستدیلر که حضرت عیسانک سادده تلقینات قارمه قاریشیق اولدی. رسملره، عزیزلره، عزیزلرک بیراقدقلری یادکارلره عبادت خریستیانلقدن آریله ماز بر قسم تشکیل ایندی.

پیغمبر منک بوتون حیات نبوتی بو خرافات ایله مجادله ایتمکه کچدی. حقیقتک سسیله، رب العالمین ایله درین اتصالک الهامیله خطاب ایدرک بر طرفدن هر ب مشرکربنه، دیگر طرفدن انحطاطه اوغرایان خریستیانلق وموسویلیکی حقه دعوت ایتمش، هیچ بروقت محاکمه دائره سنک خارجه چیقمایه رق بوتون بونلری قبول ایستدکاری عقائدک ردائتندن اوناندرمشدر. انسانلرک خالق کاشناه بر طاقم شریکک قوشمق میل بشریسنه قارشی مجادله خصوصنده حضرت محمد بویله بر موقع معلابی اشغال ایدر. قرآن کریمده اشبو آیات کریمه کی آتشین آیات پک جو قدر :

« اللهم کن بر اللهدر. اوندن باشقه اله یوقدر. رحمن ورحیمدر »

سکا وسندن اولکی پیغمبرلره ایندیریلن کتابلره اینانیرلر، آخرته یقین حاصل ایدرلر. ۱۰]

اسلامک قوای اساسیه سی : ۱) اللهک وحدانیتنه، قدرتنه، رحمتنه ایمان، ۲) بین الناس شفقت واخوت، ۳) احتراصانه حاکمیت ۴) هر خیر ونعمتی احسان ایدن جناب حقه شکران، ۵) حیات اخراده کافه اعمالک حسابی اعطا.

اللهک قدرتنه رحمتنه دائر قرآن کریمده وارد اولان آیات بو وادیده سائرلسانلرده وارد اولانلرک کافه سنه فائقدر. اللهک وحدانیتی، عظمتی، مرحمتی ک بلیغ، ک مهیج آیتلرک نهایتسز موضوعتی تشکیل ایدر. حیات، ضیا وروحانیت فیضانی هیچ بر انقطاعه اوغراماز. فقط هیچ بریده دوغمانیزم اثری کورولز. آیات قرآنیه آنجق انسانک شعورینه، حدسی محاکمه سنه خطاب ایدر.

پیغمبر اسلام اقدیمزک خلقی اسلامه دعوت بو یورمنه باشلادیغنی زمان بر یوزنده ملتوک دینی فصل ادراک ایستدکربنه بر آزار جاع نظر ایدم. بت پرست هر بار آره سنده الوهیت مفهومی افرادک، یا خود قبائلک هر فانه کوره ده کیشیوردی. بونلرک بر قسمی طبیعتی، باشقلری بر طاقم اشیاپی، بر عصایی ویا بر طاش پارچه سنی تالیه ایدیورلردی. بونلرک بمضیلری حیات آخرته اینانیردی. دیگر لرینک حیات آخرته دائر هیچ بر فکرلری یوقدی.

موسویلر متعدد دفعه لر متعدد شرائط آلتنده هر بستانه کیرمشلردی. شبهه سز مختلف مهاجر، ملتجی کتله لرک یکدیگرندن مختلف تلقیلری واردی. بنی اسرائیلی، پیغمبرلری آره لرنده ایکن دفعات ایله بت پرستلک سوق ایدن احوال کنڈیلرینی عربلرک بت پرستلکنی قبولدن منع ایده مه مشدی. بونلر حضرت (ابراهیم) ک الهنه اعتقاد ایتمکه برابر بوتلقی بی مادیلشد. بریور و بوندن طولایی یاننده قربان ایلمکه مهیا اولان قوج ایله برابر حضرت ابراهیمی تمثیل ایدن برهیکلی وجوده کتیره رک کعبه نک ایچنه قویدقلرنی کورییورز.

حضرت عیسانک زمان ظهورنده وحدانیت الیهی و بوتون دنیایی قدرت و لطفیله احاطه ایدن اراده صمدانیه عقیده لری آنجق بر ملت ایچنده شایان قبول کورولمکه ایدی. بوده (یهوا) نک قوللریدر. مع مافیله بونلرده بت پرست ملتله تماس نتیجه سنده، یا خود بت پرستلرک فلسفه سی تأثیریله بوتلقی بی انحطاطه اوغراشمشدری.

هندولر صایلماز اله والاهه اردولریله، زردشتیلر فائقیت احرازی ایچون چاریشان اسکی الهلریله یاشایورلردی. حضرت عیسانک زمان ظهورنده مدنیت جهانک احوالی بومرکزده ایدی.

[۱] الم . ذلك الكتاب لا ريب فيه ، هدى للمتقين الذين يؤمنون بالغيب ويقيمون الصلاة ومما رزقناهم ينفقون والذين يؤمنون بما نزل اليك وما نزل من قبلك وبالآخرة هم يوقنون اولئك على هدى من ربهم واولئك هم المفلحون.

کریمدر، رحیمدر، سمیعدر، غفوردر. انسانه اولان مرحوم بروالدهک
یاوروسنه اولان محبت وحرمتدن فضلهدر.
رحمت الهیه قرآن کریمده کچوق موضوع بحث اولان صفت الهیهدر.

کثرت نفوس

نفوسک جو غافلانه مسلماننک بربریکی بویوک اهمیت

خلقت انسانیه - مسلماننقده تزايد نفوسک اهمیتی - بر مملکتک ثروت
عمومیسی - کثرت نفوسک فوائد اجتهامیهسی - تزايد نفوس علیهندهکی
مطالعاترد - تناقص نفوسه باعث احوال - تکثیر نفوسه خادم اسباب .

صفت انسانیه :

خلاق حکیم . حضرتلری بیکلرجه عوالم بدیمهسی آرهسنده بزم
مسکن لطیفمز اولان کره ارضی باشقه بر تجلی به مظهر ایتمش ،
بودلنشین کرهک سطحی اشرف مخلوقات اولان نوع بشر ایله
ترین بویورمشدر .

فطرت اصلیهلری اعتباریه برر انموذج اکملیت اولان انسانلر
حقیقه مخلوقات الهیه آرهسنده بویوک بر شرفه ، مهم بر امتیازه
مالکدرلر .

قدرت فاطره ، انسانلری بویوک بر قابلیت مظهر ایتمش ، انسانلری
سائر ذوی الحیانه بولونمایان برطاقم حواس وقوی ایله مجهز قلمشدر .
بو سایهدهدکه انسانلر بر یوزنی اعمار ایتمش ، بر یوزنده بک عظیم
تحولات حیاتیه وجوده کتیرمشدر .

انسانلر ، یدمشیتک سینئه زمینه تودیع ایتمش اولدینی خزان
طبیعیه کی کشفه موفق اولمش ، مواهب سبحانی دن اولان بو قیمتدار
خزینهلردن استفاده ایدهرک انفس و آفانده موجود اولان بیکلرجه
آیات الهیهک کجاییبی . تظاهریه خادم بولونمشدر . ایشته بو حکمته
مبیدرکه (لقد خلقنا الانسان فی احسن تقویم) نظم قرآنسیله نوع
بشرک علوقدری بیان بویورمشدر .

مسلماننقده تزايد نفوسک اهمیتی :

انسان نه مکرم مخلوقدرکه بو عالم ناسوتک عندالله مقدر اولان
زمانه قدر بر انتظام و نزهت دائرهسند . دوامی آنجاق بونوع ممتازک
مشروع ، مسعود بر صورتده تکثیرله قائمدر . الواح طبیعتده مندرج
اولان بر نجه اسرار قدرتی آکلامو ، بر طاقم لسانیاته مطلع اولمق ،
کلمه للهی اعلایه جالیشسایلمک شرف عالیسی آنجق بومکرم زمرهیه
مخصوصدر . بنیاد علیه دین حکمت قرین اسلامده افراد مسلمینک
تزايدی بک ملتزمدر . بو خصوصیه بر جوق ترغیبات شرعیه وارددر .

« کواکبک ، یرک یارادیلهسنده ، کجه ایله کوندوزک بربری تعقیب
ایتمسنده ، بشرک منافعنی یوکلهرک ده کزک اوزرندن آقوب کیدن
کیده ، اللهمک کوکدن ایندییرهک کندیسیله اولمش طوبراقلری دیریلتوب
اوزرنده هر دلو مخلوقاتی یایدینی صوده ، روز کارلرک سوقنده ، کوکله
یار آرهسنده مسخر بولوطده عقلی اولان بر قوم ایچون حقتک برلکنه
امیدلر وارددر . » [۱۰]

بوسوزلر ، ظلام ضلالت ایچنده بویان انسانلره قارشى نه درین بر
تحسس افاده ایدیور .

« یاراتان یاراتمایان کی میدر ؟ اوله ایسه نیچون ادراک ایتمورسکیز ؟
اللهک نعمتلرنی تعداداید . جک اولسه کز اولنری صایه مازسکیز . محقق ،
جناب حق کریم ورحیمدر . سزک کزله دیککیزی و آشکار ایتدیککیزی
بیلیر . فقط اللهمدن غیری برستش ایتدیککیز بتلر برشی یاراته منزلر .
اولنر یاراتیلمشدر . اولنر ، جانی دکل ، اولودرلر . »

« الله .. اوندن باشقه بر آله یوقدر . باقیدر ، هر آن بوتون خلقت
اوزرنده حاکم وقائمدر ، نه اویوقلار ، نه اویور . کوکارده ، یزده نه وارسه
هپسی اونکدر . کیم تصورایده بیلیرکه قالمسینده اذنی اولقمسزین نزد
المسینده شفاعت ایده بیلسین . مخلوقاتک ایشله دکلرنی ، ایشله بیکلرنی
بیلیر . مخلوقاتی ایسه علم الهیسندن یالکیز اونک دیله دیکنی بیلیر ، باشقه
بر شی بیله مز . علمی بوتون کوکلری ، یری قوجاقلار ، و بونلرک
نکهبانلی کندیسنه آغیر کیز ، یوکسک ، بویوک آنجق اونک ذات کبریا سیدر ،
بوتون خلقت ، بوتون ملکوت اونکدر . مفاشیج غیب اونک
الندهدر . قردهه ، دکزده نه وارسه هپسی بیلیر . هیچ بر باراق اونک
اذنی اولقمسزین دوشمز .

قرآن کریم انسانک اک اصیل حسیانه ، حسیات اخلاقیه سنه ،
وجدانه خطاب ایدرک بت برستلکک فجاعتنی تجلی ایتدیرر . بر سوره
شریفه یوقدرکه اللهمک قدرت ، مرحمت و وحدانیتی افاده ایتما مش اولسون .
اسلامک الوهیتی ناصیل تالی ایتدیکنی خریستیان مجررلر آکلا یاماشلردر .
بنیاد علیه بونلر اسلامک الهی ، مقدرات بشریه ایله اوینار جبار و منتقم
براله تصور ایدرلر . بو آدملرک تلقیسی محاکمه ایدلم .

اسلامک الهی اوله بر الهدرکه قدیر ، علیم ، عادل ، رب العالمین ،
سموات وارضک خالق ، موت و حیانتک خالق ، عظیم ، حق ، الحاصل
بوتون اسماء حسنی ایله یاد اولونان ذات اجل واعلادر . بوندر باشقه
جناب حق قوللرینک حامیسی ، یتیمرک پناهی ، ضلالت دوشلرک رهبری ،
فلا کتدیلرک رهاکاری ، مصیبتزدلرک دوستیدر . خیر اونک الندهدر .

(۱) والهمک الواحد ، لاله الا هو الرحمن الرحیم . - ان فی خلق السموات
والارض واختلاف اللیل والنهار والفلک التي تجری فی البحر بما یضع الناس وما
انزل الله من السماء من ماء فاحیاه الارض بعد موتها وبت فیها من کل دابة وتصریف
الریاح والسحاب المسخر بین السماء والارض لایات لقوم یعقلون - سوره بقره